



國家清史編纂委員會·文獻叢刊

清代詩文集彙編

國家清史編纂委員會·文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 四三七

青墅詩稿十卷 李 燧 撰

一

陶山詩錄二十四卷 陶山詩前錄二卷 露蟬吟詞鈔一卷

露蟬吟詞續鈔一卷 唐仲冕 撰

一一一

陶山文錄十卷 唐仲冕 撰

三八五

遊道堂集四卷 朱 彬 撰

五九三

西霞文鈔二卷 鄭光策 撰

六四九

道光癸巳刊

青墅詩稿

河南府署藏板

青墅詩稿

予幼侍 家大人教以為詩之法 夙習 好吟詠 比入詞垣 本業所在 益不厭自 二十年来 艱於遭際 疲于衣食 茫若苦海中 渺不知筆硯為何物矣

吾宗青墅先生 天姿過人 復幼承 庭訓 舉業之外 兼工 報律 今歲入都 應試 出一冊 相示 皆其超 迹之暇 弄月吟風 陶寫性情者也 其格

序

一

律老成 其音調清越 無題咏物 諸作 寄托深遠 澁不失溫柔 敦厚之旨 青墅獨詩人也 歎哉 即以詩論 則固已深於詩也 讀青墅詩 予滋愧矣

乾隆丙午中秋前一日 劍溪先雲書於崇雅書軒

一

唐末司空表聖創為詩品二十四則作詩者奉為金科玉律若迷途之指南車也予獨以為不然夫詩亦何品之有殆由人品而定也古來以詩名者不下恆河沙數固有人以詩傳者亦有詩以人傳者求其可歌可泣感發興起其必在端人正士之作乎故予敢斷品之一字在人而不在詩

序

二

青野先生敦品士也天安聰穎長益勵志於學所為文直臻古大家堂奧而於詩尤三折肱焉是宜早掇巍科置身通顯乃數奇不偶屢躋場屋以致蹉跎歲月半世青衿祿僅代耕官卑柳下彼蒼之位置此老其遇可謂窮矣然其品固有確乎不拔矚然不滓者故其為詩也本乎少陵之高渾泰以謫仙

之後逸有玉溪之綺麗而不效其堆垛有長吉之離奇而不涉乎險怪讀者但見其洋洋灑灑一片天機掃六代鉛華之氣追三唐風雅之宗假非其人品有不可及又安能詩品之超然物表也哉以人品定詩品固屬予之臆說然試起表聖於今其以予言為河漢否夫以先生之詩卓然名家豈無鴻通之士出

序

三

燕許之手筆飾斯集之冠冕而必索予一言者良以我二人同官吳越二十餘年交最久知最深更唱迭和亦為最密既洞悉其詩之根柢表而章之當不失廬山真面抑以予自束髮受書以至服官行政砥礪然守一品字惟恐失墜其於聲應氣求之雅有暗合者乎則先生斯集異日藏之名山傳諸

其人俾彳彳數語得附驥尾以並垂不朽
 謂非予之厚幸也與
 道光元年立秋前五日樸園弟董和培拜
 題於南匯官署之敬立軒

序

四

青墅詩稿

卷一

古今體詩一百九首

卷二

古今體詩一百三十九首

卷三

古今體詩八十二首

卷四

古今體詩一百六十三首

青墅詩稿

目錄

卷五

古今體詩九十五首

卷六

古今體詩九十五首

卷七

古今體詩九十二首

卷八

古今體詩九十四首

卷九

清代詩文集彙編

古今體詩七十二首

卷十

古今體詩五十六首

男辰垣校字

孫鈞叅校

青墅詩稿

目錄

二

青墅詩稿卷一

河間 李燧 東生

五叔父將赴江南臨行口占

吳水三千里音書正渺茫殷勤告叔父婉轉慰高堂且

喜兒軀健無勞慈念長天南風景異惟祝慎炎涼

送家姊北歸

半載他鄉聚團圞樂最真臨歧休灑淚慈母正傷神

寄袁簡齋先生

韋司風味陶潛節野鶴閒雲伴此身四海聲名雙管筆

青墅詩稿 卷一

一

六朝花柳一家春鬢眉每向詩中見函丈時從夢裏親

閉戶著書深幾許瓣香心事屬何人

夜雨

風雨一窗鳴蕭蕭夜幾更青燈搖暗壁老樹亂秋聲孤

影伴愁坐濁醪還自傾空階頻滴瀝觸忤故鄉情

野望

曠野杳無際登臨趁夕陽遠山凝暮靄紅樹醉清霜眼

與天同濶人隨影漸長不知歸路晚處處下牛羊

留別簡齋先生

朝朝魂夢繞倉山目斷閒雲望欲闌十載春風泉座暖
一帆秋雨水聲寒空將詩句逢人說愁把身材對鏡看
先生寄詩有身
材幾許長句此去江東悲日暮白門烟樹正漫漫

夜泊

誰憐江浦月偏照小舟明風急千林葉天空一雁聲汀
洲漁火颭沙岸暮潮平向北頻翹首風烟別恨生

晚眺

江南好景舊曾經雲散秋郊雨乍停新漲淨添三尺綠
遠山遙送一樓青烟凝荻浦藏漁艇柳帶斜陽隱畫亭

青聖詩稿

卷一

二

乘興已忘歸路晚半鉤新月照沙汀

登燕子磯

聳身危處踏龍龜披豁塵襟起嘯歌兩岸秋光寒浦淨
六朝山色夕陽多幾年陳迹迷鴻爪依舊江風捲白波
歷歷帆檣任來去可知憑眺意如何

旅中九日

江寒楓冷一帆斜故國迢迢望眼賒九月清霜催旅雁
十年佳節客天涯長堤落日明秋草古堠西風咽暮笳
今夜孤舟泊何處半江殘月隱蘆花

過梅佃邨店

烟村風物又重經滿院閒雲戶半扃繞屋喜添千樹綠
當窗祇少一峯青新鶯啞啞花間轉流水泠泠雨後聽
羨煞主人蕭散甚茶烟半榻讀黃庭

春柳

絲絲垂柳灑橋濱幾日含烟綠漸勻無意任拋千萬縷
有情祇管別離人暗吹花信如相約半掃眉痕已帶顰
陌上黃鸝歌正好鞭絲裊裊拂香塵

淡沱風光宿雨收三分春色大堤頭天涯芳草送歸騎

青聖詩稿

卷一

三

花外紅粧隱畫樓露葉如啼情旖旎芳心初轉態溫柔
東君苦把風流線江岸年年綰舊愁

幾度柔枝折漸空長堤又見翠濛濛半橋春水三篙綠
殘照離亭一笛風新縷初藏鶯語滑濃陰遙禱酒旗紅
最憐飛絮飄如雪猶自依依戀故宮

一行如畫縷縹緲深罨春波碧影涵烟雨千枝迷故國
鶯花三月夢江南日斜綺陌遊初倦晝永靈和睡正酣
風景重過舊遊地王孫惆悵獨停驂

題桃花扇樂府

滄桑興廢恨無窮都付云亭曲調中南渡江山存野史
西京禾黍變王風箋啣燕子新詞麗血染桃花別樣紅
裙履風流消歇盡銅駝荆棘雨空濛

飛來奇貨大江頭草草朝廷御氣浮調變陰陽資肉食
指陳綱紀笑俳優多搜玉帛藏郿塢祗管鶯花選莫愁
瀟灑阮生頻入幕羊頭羊胃盡封侯

光祿重司御苑春東林往事足傷神初經烽火渝宗社
又見殘碑記黨人盡日延年翻別調當時江令遜才臣
江沉鐵鎖無人問玉樹瓊花色色新

青聖詩稿

卷一

四

東南王氣付長流江上烽烟入望收藩鎮何心恢社稷
廟廊終日計恩仇唐基興復思光弼漢室艱危仗武侯
主將清風惟坐鎮空傳開府領揚州

干戈滿目慘愁顏冷落蕪城夕照間誓把寸心迴日月
難將一木障河山深宮徹夜笙歌細征袖臨風血淚殷
白馬寒濤向東去殘軍零亂幾人還

樓船已近石頭城宰相尙書醉裏驚只慮漢陽來勁旅
却忘淮北但空營半江戰血千秋咽六代烟花一夢醒
莫問寧南舊時事怒濤東捲恨難平

家大人自粵以詩寄示敬和原韻
一載睽離定省疎平安昨已到雙魚秋風書下八千里
夜月魂飛十二湖世路風波原險巖故園松菊未荒蕪
望雲頻計趨庭日已是寒花放蕊初

九日

幾度重陽客憶家今年陟岵盼天涯千邨落木寒砧急
萬里浮雲望眼賒異國霜前逢白雁故園秋老正黃花
琴樽詩社空寥落愁聽荒城咽暮笳

憶梅

空庭景物太荒涼思絕東風嶺外芳豈是天心殊雨露
愁看老圃但承霜斷橋遠浦橫孤艇流水寒溪淡夕陽
惆悵鏡邊人獨倚輕綃翦盡不成粧

黃葉蕭條滿舊林迢迢誰寄隴頭音一聲涼笛孤村晚
數點遙峯暮靄沉春到故園人尙杳燈殘紙帳夢難尋
朝來又向羅浮望烟樹寒雲萬里心

桃花

尋春莫惜倒芳樽一簇穠華已漸繁無語向人頻欲笑
有時經雨更銷魂爭隨流水落千點亂映夕陽紅一邨

青聖詩稿

卷一

五

差喜道心從此人不須重向武陵源

學圃

幽居多暇督僮僕治畦種菜以消永日雖曰不如竊願學焉做淵明體賦詩見志

清晨起荷鋤僮僕爲畦丁人爭笑我鄙胡此日營營吾鄉多沮洳居近東海濱種花花不繁種竹竹不生種菜聊足怡韭菘頗欣榮我非劉豫州託業將終身

治圃如治心非種務其夫雨露資天時灌溉詎可誤萌芽生勿戕鳥雀須防護種菜嗜其根此中得真趣人忙

青墅詩稿

卷一

六

我自閒其他非所慮

七夕

綵縷紅絲艷綺羅針樓爭盼得金梭微雲過去銀河皎新月移來花影多玉宇可禁風露冷仙家爭奈別離何人間不少關山怨莫嘆年年一度過

雨後見月

乍見月華明寒光雨後生雲開天宇淨風定素盤清兩部蛙鳴急三更鵲夢驚夜來幽賞處簷滴有餘聲

雨霽

甘雨一犁足遙天放晚晴未全祛暑去漸覺有涼生細土泥花運清陰滿豆棚荷香初浥露水漲暗浮萍暮靄濛濛合殘雲淡淡平簾垂湘簟靜風透葛衣輕把酒邀新月尋詩寄逸情北窗甘睡穩敲枕夢魂清

晚眺

閒憑危檻縱雙眸煙景蕭疎故國秋千里關河頻入夢一天風雨獨登樓殘砧斷角荒城外疎柳昏鴉古渡頭幾度向南翹首望白雲何處認歸舟

閒居

青墅詩稿

卷一

七

自得幽居樂不教塵鞅侵春懷頻泥酒小病未妨吟新雨一畦足落花三徑深青編常晤對真趣個中尋

春日絕句

晴空蕩漾裊游絲正是韶光最好時二十四番風信急催人早賦冶春詞

淑景遲遲戶半扃塵氛不到子雲亭閒中檢點春多少祇有垂楊幾樹青

料峭輕寒乍禁烟春衣三月尙裝綿今年花事真憔悴不見斜風細雨天

一帶桑陰罨敝廬幽居漸覺故人疎杖頭省却遊春費
典盡衣衫祇購書

哭家鑑塘先生

長庚詞筆出風塵命與才賸太不倫宿草長年埋慧業
湘蘭終古怨騷人柯留一夢都成幻石記三生可當真
有友人夢先生賦未
拋事業三生石之句莫問東山舊詩社斜陽回首總傷
神

往事風流恨杳冥一家小坐共談經同居北道貧如昨

重過西州淚早零鄰笛吹殘孤月冷吟魂銷盡亂楓青

青聖詩稿

卷一

八

春風絳帳眞零落問字何人到野亭

夜坐

小坐湘簾外披襟溽暑收天光涼似水雲影澹於秋月
上柳陰轉露濃花氣浮丹梯如可接擬入廣寒遊

四粒秋樂府題詞

蔣若生
太史著

潯陽秋色總淒其惆悵江州送客時鬪鳥寒猿啼不住
何人重譜斷腸詞

秋娘憔悴老風塵莫怨飄零誤此身若使世間名利總

天涯應少別離人

琵琶一曲奈愁何往事繁華曉夢過月不長圓花易老
青衫難禁淚痕多

小部笙歌入耳清重將舊恨奏新聲多情依舊秋江月
傍著離筵分外明

新秋

爽氣入庭戶西風昨夜回亂蟬吟日暮一雨送秋來遣
睡頻開卷迎涼數舉杯商音漸蕭瑟幾葉下燕臺

西郊尋菊

爲訪花村路行行日欲曛疎籬沿屋結流水數家分秋

青聖詩稿

卷一

九

影飄黃葉閒心對白雲漸離城市遠瀟灑絕塵氛

雙蝶若相識隨予過小橋到門村犬吠隔水野人招晚

節秋容媚寒風衆卉凋憑誰來送酒小飲佐詩飄

可結騷人佩何須異國芳霜濃初著艷花密不聞香眞

趣惟餘淡秋英只耐黃延齡如可乞持與介春簪

古樹喧棲鳥孤邨澹落暉尋芳三逕晚插帽幾人歸
瘦

幹不盈把清芬猶在衣和陶初得句回首暝烟微

寒夜

萬籟此俱寂蕭森夜氣凝漏長燈欲燼吟苦硯成冰大

業期千載豪情愧五陵紛紛涼月影流照我心澄

喜雨

一夜東風送雨聲輕陰漠漠暗春城波平畫岸添新漲
泥蘗春田促曉耕三月鶯花初綺麗萬家烟火不分明
遙知 聖澤春無限直挽天河為洗兵 時金川告捷

楊柳枝詞

風光淡蕩艷陽時漠漠輕黃嫩柳垂舊縷新條渾不辨
和烟和雨總絲絲

弱線輕盈不自持楚宮新鬪瘦腰肢青青何與行人事

青聖詩稿 卷一

十

苦把離情怨柳枝

陌上黃鸝幾曲新瀟橋一望總傷神輕狂倚著東風力
青眼而今不向人

盈盈綠水一渠平午夢迷離正未醒祇有春光牽不住

斷魂花裡一聲鶯

春草

澹蕩韶光二月時平蕪十里嫩含滋不辭野火頻年燒
自有和風著意吹南陌休歌春緩緩西陵愁對日遲遲
閒情一片無聊賴寫向蠻箋欲寄誰

息息生機不暫停空思蕩蕩有餘馨平添野色無窮碧

直到天涯一樣青細雨斜風寒食路淡烟蒼靄夕陽亭

六朝多少傷心事舊夢迷離正未醒

芳郊一望愴離魂綠影濛濛暗遠村幾日裙腰濃染翠

誰家弓印淺留痕亂技野水迷烟波直送春光過玉門

惆悵王孫歸路晚數聲啼鴉怨黃昏

蒙茸淺黛未成陰好藉行人醉後尋三逕綠遮蒼蘚滑

一溪紅襯落花深初含夜雨添生趣為報春暉有寸心

莫笑託根原小弱置身終許入華林

青聖詩稿 卷一

十

人影

朝朝逐隊往來頻印出當前自在身滿鏡鬚眉渾不俗
孤燈風雨倍相親百年是處難留迹寸步何曾肯讓人
幾度問君歸宿地好從空色證前因

袁簡齋先生六旬有三生子取名阿遲以詩見寄

賦此誌賀

一紙新詩帶笑看人生事足水雲安 先生繼弟子阿通有園林得主水雲
安之 祥庭喜並雙珠樹香夢先徵九畹蘭才說金閨翔
句 玉燕不須稚女戴男冠 先生以女戴男冠為戲蓋預兆也 靈根毓秀原

非偶桂子由來種廣寒

喬柯芽茁見精神向夢兒亭証夙因詩禮好將堂構續

鶯花遺讓子孫親先生有鶯花遺此子孫親之句消除伯道當年恨不

作香山以後身檢點遺編應自笑六旬添箇幾香人

寒食

寂寂柴門碧柳牽風光又到賣饒天清明時節仍多雨

寒食人家不禁烟春色綠勻芳草地晚風香暖菜花田

明朝攜榼西郊路愁看荒村挂紙錢

春日田家詞

青野詩稿

卷一

廿

東風昨夜來綠滿園中草春事紛以忙却却逢野老晨

起叱犢耕農家飯常早敢辭四體勤所求終歲飽今年

飽與未且喜春光好

種林好釀酒種棉好縫裳不栽秧與稻蘇詩種林作酒不種秧

習蠶與桑北人不習蠶桑昨夜微雨過滴滴催人忙心急牛步

緩犁短隴係長不惜農力苦祇愁田隴荒早完縣官租

寧願千斯倉

雨夜

簷滴交殘漏輕寒透碧紗不知今夜雨飛盡幾枝花風

逗篆烟裊燈搖人影斜柴門離咫尺幾度夢還家

村居

荒村小住過清明寂寂閒堦細草生布穀尙遲三月雨

惜花無那一春晴未工好句吟難就拋却閒愁夢亦清

差喜柴門無剝啄綠陰圍住讀書聲

楊花

依依飛去落誰家牽惹春心一片賒任使輕狂能作態

總無香色也名花平鋪畫岸烟初霽小立空庭日又斜

寄語多情雙燕子可能啣得到天涯

青野詩稿

卷一

卅

秋日池上作

烟澄潭影清無底好景怡人幾度過風柳輕如狂阮藉

秋花慵似病維摩生憎砧杵搗斜日靜愛釣絲牽綠波

總有塵氛都洗却輕衫消受晚涼多

歸鴉

疎林烟乍暝點點暮鴉歸打陣盤空下驚風帶葉飛一

枝栖不定三匝欲何依羈客愁看汝柴門掩夕暉

過揚威將軍墓

哈元生

風急長楊鳴雨蝕古碑倒誰家牛羊羣墳頭嚙秋草

踏遍城西路秋風日漸曛行人捫華表猶說舊將軍

秋聲

商飈入耳聽颺颺搖落初添宋玉愁萬派寒聲來大漠
一天清響振高秋何人永夜方開卷有客含情獨倚樓
切切淒淒鳴不斷碧空如水月如鉤

漫敲疎竹擊簾籠浙瀝飄西復向東空外依稀千樹葉
靜中消息五更風夜涼深院鳴霜杵露滴荒堦泣草蟲

惆悵中宵殘夢醒小窗愁伴一燈紅

一片蕭騷客暗驚錚鏦金鐵響分明誰將苦雨淒風夜

青聖詩稿

卷一

五

送作千巖萬壑聲節物不堪經歲晚乾坤底事爲秋鳴

騷人遲暮原多感觸忤愁城不肯平

聲聲玉律振清商萬里寒烟塞草黃古戍悲笳鳴夜月

美人瑤瑟怨瀟湘平沙漠漠鴉盤陣烟水茫茫雁叫霜

繪出荒寒寥落意傷心千古有歐陽

神巫曲

藪名香擊神鼓緩緩歌存存舞神巫瞑目作神語降康

錫福云爾祝馨香不潔神其吐神兮神兮歸玉宇米錢

殺核一囊取歲歲管教神福汝

病足

子春聖人徒下堂偶傷足肢體漸毀傷內省坎幽獨我
亦謹慙人託足遠流俗跬步偶不慎亦復罹其毒十日
不出戶進退笑躑躅三復戴禮篇古訓豈繁縟周規與
折矩動履有拘束舉足凜冰淵終身防虧辱寧爲素履
貞勿效藩籬觸所以古聖賢守身如執玉

無題六首 有序

相如病渴空賦凌雲潘岳閒居易生華髮撫韶
光之候爾嗟故我之依然離緒千條柔腸百結

青聖詩稿

卷一

五

爰思美人香草恆深遲暮之悲神女巫山總是

荒唐之夢媿莊生之放達齊物通元悲阮藉之

猖狂長歌當哭因而諾聲賦就漫疑紅豆之詞

刻燭吟成聊寫青衫之淚云爾

往事驚心曉夢空三年人悔立墻東書傳青鳥迷天外

影對文鸞舞鏡中愁向春山描黛綠休從時世鬪粧紅

金針不倩他人度素手何嘗繡未工

鐵網珊瑚悵未收水流花謝兩悠悠歌成白雪原難和

生就長眉祗解愁苦對刀環頻惜別空憐統扇易驚秋

玉塔芳草年年綠春色何曾肯暫留

灼灼名花隔院開難憑鴉鳥作良媒自矜風骨原如玉

忍把芳心竟化灰羞向洛川留枕去悔從銀漢泛槎來

依稀覓得蓬山路又被仙風引却迴

蕭史乘鸞去絕蹤瑤臺何處好相逢魂迷弱水三千里

夢隔巫山十二峯渺渺烟波愁杜若泠泠紅淚濕芙蓉

此身悔被嬋娟誤怕聽樓東五夜鐘

漫向風塵說息機芳時忍教素心違玉京不羨神仙窟

金屋爭誇錦繡圍月桂豈從平地長鳳毛祗傍彩雲飛

青聖詩稿

卷一

夫

閨中有女終須字苦恨年年製嫁衣

珍重相逢未嫁身怕將羅襪惹香塵笑顰未肯隨時態

空色難教証夙因錦瑟休彈湘浦怨琵琶猶泣漢宮春

多情肯把明珠換自負蛾眉不讓人

村居卽事

屏跡少人事幽棲柳外柳綠陰低覆屋流水碧當門萬

目還成趣會心不在言寂寥三迳晚烟鎖舊苔痕

空外遊絲裊春光一縷牽低枝垂杏子圓影漾荷錢輕

暖輕寒節乍晴乍雨天愛閒成底事忽忽送韶年

靜日閉蓬廬蕭然水竹居草深長沒屐花嫩不禁鋤理

篋牽蛛網開編走蠹魚名山思託業夙願竟何如

散步過溪橋田園野趣饒柔桑和露採細菜帶花扶林

外鶯聲滑風前蝶影嬌喜看春事好一雨麥齊腰

晤語憑書卷塵氛滌素襟浮生隨住著何地不山林得

意應忘象無粒自有琴倚欄頻注目閒煞白雲心

牡丹初放邀同人對花豪飲敬和 家大人韻

移來雲錦傍應紗正好開時客到家時三兄歸自都門百斛香

凝三月雨十分春在一枝花會誇穠艷羞凡卉半吐檀

青聖詩稿

卷一

七

心感歲華珍重盃簪逢此會騷人莫厭手頻叉

金燈斜月照迴廊醒眼休指看酒狂不惜壺餐留客醉

祇愁風雨送春忙迷離香夢酣朝霧欲灑流霞泛羽觴

聞道西鄰重有約藥欄杆外正紅芳趙星泉有看芍藥之約

西郊尋菊留飲挹芬書屋

照影霜林繞路紅尋芳人到菊花叢詩成斷井疎籬外

秋老寒烟細雨中那有白衣來送酒却憐烏帽不禁風

等閒更訪陶居士五柳門前一水通

客來不待主人留嫩碧盈觴竹葉浮三迳冷香花帶雨

一天霜影雁橫秋
羊肝瘦木傳佳節
楚尾吳頭話舊遊
酩酊不知歸路晚
迷離烟樹月如鉤

瀛城登高和王薊南韻

過眼滄桑驚歲晚
放懷天地掃愁開
半城斜日寒砧急
萬里西風落木催
山勢遙隨平野盡
河間無山海雲疑湧暮
潮來擬收好景笑
囊貯輪與登高作賦才

過挹芬書屋贈筠溪高丈

幽棲自愛園林好
地僻會無車馬喧
烟影已疎楊柳岸
秋聲多在夕陽邨
四圍雲錦書連屋
三面寒溪水抱門

青聖詩稿

卷一

九

爲戀柴桑風味好
重來莫惜倒芳樽

對雪感興和王薊南韻

窮陰迫晚歲
斗室棲身安
枯坐如蘗屈
萬慮不我干
澄懷觀妙理
一卷勞研鑽
北風忽怒吼
百川走奔湍
乾坤一色素
四角雲漫漫
新枝挺玉樹
碎翦瓊花攢
銀海奪珠光
凜凜毛髮寒
季子嗟裘敝
范叔憐衣單
長安有富室
鼎食飽大官
冒寒歸獵騎
意氣凌飛翰
銷金挂罽毼
獸炭窮雕剗
朱門馱酒肉
珍錯堆盤餐
絲竹奏秦聲
粉黛羅齊紈
行樂苦日短
目送雙飛丸
而我有至樂
此樂

豈無端閉戶日高臥
俯仰襟懷寬麴米
釀春甕細茶裝
辛盤孳帷矚大界
粉簇而花團
寒玉戛竹樹
白鹽矗峯巒
巒非空亦非色
天地真奇觀
頓覺心目豁
窮愁變愉歡
悠然發清咏
逸興良難殫
我有同心友
妙思寄豔鞍
忍寒歌一曲
意足神堅完
湧如泉滾滾
勁比松桓桓
張軍輸白戰
破金敵已拚
多君句奇絕
累我腸枯乾
醉賡白雪詞
榮落徒般般

夜雪用東坡韻

六花和雨乍廉纖
料峭寒威入夜嚴
遮莫是空還是色

青聖詩稿

卷一

九

何分如絮更如鹽
虛窗凝白月留影
老屋有聲風透簷
遙憶西山新霽後
白頭高矗萬峯尖

攬衣呵凍笑塗雅
撩亂長空似攬車
戴良詩旋空若攬車
五夜寒

聲迷玉漏一燈清
影夢梅花豪華不
羨銷金宴風味
還輸學士家
幾度苦吟愁
白戰刻殘銀燭手
頻叉

寄懷王薊南

三年臭味最相親
往事低回倍愴神
千里關河迷望眼
六橋花柳趁歸人
西窗夢冷空堦雨
南浦魂銷綠水春
風送滕王應計日
薊南望仕江西
便帆休忘寄霜鱗

幾日京華笑語親天涯極目黯離神同爲瑁瑛傷心客
已作邯鄲入夢人五載風塵遊子淚一湖烟景故園春
尺書欲寄何由寄難覓江頭六六鱗

病中雜感

綠陰深護子雲居靜掩柴門世事疎時命已遭投磨蝎
生涯仍作蠹書魚殘花點點湘簾外好鳥聲聲午夢初
三逕蕭條人不到茂陵誰問病相如

窗鼻爐烟一縷斜門前咫尺似天涯懸知塵世三生誤
猶戀蓬山一夢賅病骨危如秋後葉浮名幻似鏡中花

青野詩稿

卷一

十

年來潘岳原多感祇恐閒居鬢易華

自慚名士讀離騷

放翁詩名士真須讀楚辭

半榻殘編伴寂寥九畹

香蘭湘客怨春宮瓊樹美人遙病牽愁緒殊難遣日抵

長年未易消

放翁句

一種幽思誰共語女蘿山鬼漫相邀

幾度天門獻策回不才祇合棄蒿萊愁看芳草盈堦綠

空憶名花隔院開一寸頭銜書鐵榜千金駿骨老燕臺

青衫瑁瑛秋風客拂袖長歌歸去來

靜裡惟餘跌坐功朝朝面壁欲成空體因慣病都忘藥

人不工詩亦自窮小暖輕寒三月節吹花飄絮五更風

浮生草草成何事都付流光逝水中

索居形影自相親贏得離思日日新滿鏡鬢眉仍故我

一天風雨倍懷人鴻歸彭蠡書難寄

高允東自湖北以書見寄尚未作荅

客到邯鄲夢最真

謂星岩三兄

回首西窗明月夜燈殘尊冷

獨傷神

遺興

閉戶絕塵事詩書結靜緣硯凹常聚墨琴古不須絃有
癖難宜俗忘機便是仙閒愁都埽却俯仰總悠然

望雨

青野詩稿

卷一

三

自冬徂春雨澤缺乾封已過清和節有時吹雨三兩點

猶如越人初見雪漠漠塵埃烈烈風黃沙刮目迷雙瞳

細麥伏土憔悴死糶犁倒輟愁三農油然西北微雲度

四野引領雨如注薄霧輕烟一瞬過驕陽烈日依如故

杳杳天心未可知欲雨不雨真成誤我欲發憤召巫陽

上叩九閭訴穹蒼風伯雨師曠厥職旱魃肆虐何被猖

癡龍沉睡鞭不起請摘領珠投遐荒倒挽天河召力士

恩膏大沛流還方千里連雲慶多稼五風十雨歌豐穰

嗚呼五風十雨歌豐穰勿使蚩蚩之氓哀歌呼籲三千